



NAFARROAKO PARLAMENTUKO

ALDIZKARI OFIZIALA

VII. legegintzaldia

Iruña, 2009ko maiatzaren 5a

38. ZK.

A U R K I B I D E A

A SAILA:

Foru lege proiektuak:

—Foru Legea, Nafarroako Gizarte Hezitzaileen Elkargo Ofiziala sortzen duena. Osoko Bilkurak onetsia (2. or.).

B SAILA:

Foru lege proposamenak:

—Foru Lege proposamena, Nafarroako Foru Komunitatean aurtengo otsailaren 11n eta 12an gertaturiko uholdeek kaltetutakoen aldeko neurriak ezartzen dituen. Osoko Bilkurak aintzat ez hartua (6. or.).

E SAILA:

Jabeldurak, mozioak eta adierazpen politikoak:

—Erabakia. Horren bidez, Nafarroako Gobernua premiatzen da gizarte-intereseko entitateen kontratazioa errazteko formulak aplika ditzan, ezgaitasunen bat duten pertsonen nahiz gizarte bazterkeriako egoeran dauden pertsonen enplegua mantentze aldera. Osoko Bilkurak onetsia (7. or.).

—Erabakia. Horren bidez, Horren bidez, Nafarroako Gobernua premiatzen da politika zalu eta eraginkorra balia dezan enpresa-finantzaketako lerroak eta abalak aplikatzean, eta, hartara, horiek koordinatu eta izapidetzeko eta horiei buruz aholku emateko erreferentzia-gune bat sor dezan. Osoko Bilkurak onetsia (8. or.).

—Erabakia. Horren bidez, Nafarroako Gobernua premiatzen da Bizikletaren Plan Zuzendariari buruzko zenbait erabaki har ditzan. Osoko Bilkurak onetsia (9. or.).

—Erabakia. Horren bidez, Nafarroako Gobernua premiatzen da zenbait erabaki har ditzan Landa Ingurunearen Garapen Iraunkorrari buruzko 45/2007 Legearen aplikazioa dela eta. Osoko Bilkurak onetsia (9. or.).

—Mozioa. Horren bidez, Nafarroako Gobernua premiatzen da Nafarroako Alokairuaren Agentzia sor dezan eta horretarako lege proiektu bat aurkez dezan. Osoko Bilkurak bazter utzia (10. or.).

—Mozioa. Horren bidez, Nafarroako Gobernua premiatzen da azterlan bat egin dezan, jakiteko zein den geriatriaren egoera Nafarroan. Osoko Bilkurak bazter utzia (10. or.).

—Mozioa. Horren bidez, Nafarroako Gobernua premiatzen da Itoiz Fundazioak sustatutako, finantzatutako edo kudeatutako azpiegiturak eta zerbitzuak eskuratze aldera Aezkoako, Erroko, Aurizko eta Luzaideko biztanleek eginiko eskaera aintzat har dezan. Osoko Bilkurak bazter utzia (11. or.).

A saila:
FORU LEGE PROIEKTUAK

Foru Legea, Nafarroako Gizarte Hezitzaileen Elkargo Ofiziala sortzen duena.

OSOKO BILKURAK ONETSIA

Nafarroako Parlamentuak, 2009ko apirilaren 23an egindako Osoko Bilkuran, Nafarroako Gizarte Hezitzaileen Elkargo Ofiziala sortzen duen Foru Legea onetsi zuen.

Legebiltzarreko Erregelamenduko 145. artikuluan ezarritakoa betez, argitara dadin agindu da.

Iruñean, 2009ko apirilaren 27an

Lehendakaria: Elena Torres Miranda

Foru Lege proiektua, Nafarroako Gizarte Hezitzaileen Elkargo Ofiziala sortzen duena

ZIOEN AZALPENA

Espainiako Konstituzioak, 36. artikuluan, ezartzen du lanbide elkargoen araubide juridikoaren berezko ezaugarriak eta tituludun lanbideetako jarduna lege bidez arautuko direla. Era berean, adierazten du elkargoen barne-egiturak eta funtzionamenduak demokratikoak izan behar dutela.

Nafarroako Foru Eraentza Berrezarri eta Hobeitzeari buruzko abuztuaren 10eko 13/1982 Lege Organikoaren 44.26 artikulua ezartzen duenaren arabera, Nafarroak eskumen osoa du lanbide elkargoen arloan eta tituludun lanbideetako jardunaren gaineko gaietan, indarreko legediari jarraituz.

Eskumen horiek erabiliz, Nafarroako Lanbide Elkargoei buruzko apirilaren 6ko 3/1998 Foru Legea onetsi zen. Horren erregelamendu-garapena abenduaren 18ko 375/2000 Foru Dekretuaren bidez egin zen, izan ere foru dekretu horrek Nafarroako Lanbide Elkargoei buruzko Foru Legea garatzeko Erregelamendua onetsi zuen eta bertan ezarri ziren lanbide elkargo bat sortzeko betebeharrak eta prozedura.

Nafarroako Lanbide Elkargoei buruzko apirilaren 6ko 3/1998 Foru Legearen 8. artikuluan ezarri-

takoaren arabera, Nafarroako Foru Komunitatearen lurraldean lanbide elkargoak foru lege bidez sortuko dira eta, horretarako, beharrezkoa izanen da, sortu nahi den elkargoari dagokion titulazio ofiziala izanik, Nafarroan helbideraturik dauden profesionalen gehiengoak eskatzea.

Aipatutako legezko agindu horretan xedatutakoarekin bat, eta kontuan harturik Nafarroako Foru Komunitateak lanbide elkargoen arloan dituen eskumenak, Nafarroako Gizarte Hezitzaileen Lanbide Elkarteak (APESNA), talde profesional horrek Nafarroako Foru Komunitatean duen ordezkaria baita, Nafarroako Gobernuari eskatu dio Nafarroako Gizarte Hezitzaileen Elkargo Ofiziala sortzea.

Gizarte Hezkuntzaren Diplomaturaren unibertsitate-titulu ofiziala eta hura lortzeko ikasketa planen jarraibide orokorrak abuztuaren 30eko 1420/1991 Errege Dekretuaren bidez ezarri ziren, eta hari esker lanbide horrek irakaskuntza eta prestakuntza arloko onarpena lortu zuen. Gizarte hezkuntza funtzio sozial garrantzitsua duen lanbidea da, gizartean izandako aldaketa azkarraren eta globalizazioaren ondorioz gizartearen, hezkuntzaren, kulturaren eta aisialdiaren arloan dauden behar berriei erantzuna emateko sortu dena, hezkuntza sistema formaletik eta oinarrizko eskolatzeko prozesutik haratago doazen berariazko jarduketan, zerbitzuen eta proiektuen bitartez.

Gizarte hezkuntzak, gainera, toki nabarmena hartzen du gaur egun aurrera eramanez nahi diren gizarte eta hezkuntza politiken programazioan, bereziki Administrazio Publikoekin batera garatzen diren jardueretan. Jarduera horiek estatu demokratiko, sozial eta solidario baten printzipio konstituzionalak aplikatzeko helburua dute. Aipatzekoa da, alde horretatik, Nafarroako Foru Komunitateko Administrazioak arlo sozio-edukatiiboan jardun eta sakontzeko duen borondatea.

Gizarte hezitzaileak arlo sozio-edukatiiboaren profesionalak dira, pertsonen, taldeen eta kolekti-

boen dinamizazioan espezializatuak daudenak, gizarte eta kultur garapen prozesuak burutzeko.

Haien jarduketak orotarikoa izan behar du, eta norbanakoengan, taldeengan edo komunitateetan esku har dezakete, populazioaren edozein sektoretan. Esku-hartze sozio-educatiboa egiten dute, maila formalean, ez-formalean eta informalean, gizarte arazo handiak dituzten pertsonekin edo/eta taldeekin, izan ere, arazo horien ondorioz gainerako bizilagunen aurrean bereziki kalteberak direlako eta nola edo hala gizarte bizitzatik baztertuta daudelako. Horregatik, profesional horien eguneroko lan sozio-educatiboak halako printzipio etikoaren eta halako jokabide deontologikoaren arabera izan behar du, errespetuz eta erantzukizunez jokatzeko eta kolektibo horien funtsezko eskubideak babesteko.

Nolanahi ere, titulua sortu aurretik eta ikasketak Nafarroan ezarri aurretik (Urrutiko Hezkuntzarako Unibertsitate Nazionalaren bidez, 2002. urtean Iruñean eta 2003. urtean Tuteran), baziren beste profesional batzuk Nafarroan gizarte hezitzaileen lana egiten zutenak, eta haiei ere elkargorantz sartzeko aukera eman behar zaie, hirugarren xedapen iragankorraren arabera.

Gizarte hezitzaileen figura ongi egituratu eta mugatuko bada, beharrezkoa da gizartean eta lege esparruan halako aitorpen eta baimen bat lortzea. Horri dagokionez, interesdunek, APESNA-Nafarroako Gizarte Hezitzaileen Lanbide Elkarteak ordezkaturik, adierazi dute gizarte hezitzailearen lanbidea Nafarroako Foru Komunitatean elkargoa duen lanbide bat bihurtuz gero, profesional horiek beren interesak begiratu eta lanbide jarduna antolatu ahal izateko erakunde bat izan behar luketela, eta hori berme moduko bat izan behar da esku-hartzearen xede diren gizarte-sektore guztientzat.

Adierazitakoaren ondorioz, eta kontuan harturik Nafarroan Gizarte Hezitzaileen Elkargo Ofizial bat izateko interes publikoko arrazoiak badirela, foru lege honen bidez lanbide elkargo hori sortzen da. Horrenbestez, Nafarroan lanbide horretan jarduteko, ezinbesteko baldintza izan behar da elkargoko kide izatea, non ez den frogatzen lanbide bereko beste elkargo bateko kidea dela beste lurralde eremu batean.

1. artikulua. Foru legearen helburua.

Nafarroako Gizarte Hezitzaileen Elkargo Ofiziala sortzen da.

2. artikulua. Lanbide elkargoaren izaera juridikoa.

1. Lanbide elkargoa zuzenbide publikoko korporazio bat da, lege honek indarra hartzen duenetik

aurrera berezko nortasun juridikoa duena, eta gobernu organoak eratzen dituenetik aurrera, bere helburuak betetzeko eta bere eginkizunei ekiteko ahalmen osoa izan behar duena.

2. Lanbide elkarteak barne-egitura eta funtzionamendu demokratikoa behar du eta haren jarduketetan arau hauei segitu behar die: elkargoaren estatutuak, foru lege honetako xedapenak, Lanbide Elkargoei buruzko apirilaren 6ko 3/1998 Foru Legea, lege hori garatzeko araudia eta lanbide elkargoaren arloan estatuan dagoen oinarrizko araudia.

3. artikulua. Lurralde eremua.

Nafarroako Gizarte Hezitzaileen Elkargo Ofizialaren lurralde eremua Nafarroako Foru Komunitateko lurraldea da.

4. artikulua. Pertsona eremua.

1. Nafarroako Gizarte Hezitzaileen Elkargo Ofizialean sar daitezke abuztuaren 30eko 1420/1991 Errege Dekretuan ezarritako Gizarte Hezitzaileen Diplomaturaren ikasketa titulu ofiziala dutenak. Errege dekretu horren bidez, Gizarte Hezkuntzaren Diplomaturaren unibertsitate-titulu ofiziala eta hura edo baliozkotua dagoen antzeko titulu bat lortzeko ikasketa planen jarraibide orokorrak ezarri ziren.

2. Nafarroako Gizarte Hezitzaileen Elkargo Ofizialeko kide izan daitezke, orobat, foru lege honen hirugarren xedapen iragankorrean aipatzen diren egoeretako batean dauden pertsonak, behar den gaikuntza lortu ondoren betiere.

5. artikulua. Kidetu beharra.

Nafarroako Foru Komunitatean lanbide honetan jarduteko, ezinbestekoa izan behar da aurretik Nafarroako Gizarte Hezitzaileen Elkargo Ofizialeko kidea izatea, deusetan galarazi gabe Nafarroako lanbide elkargoei buruzko legedian eta estatuko oinarrizko legedian ezarritakoa.

6. artikulua. Nafarroako Foru Komunitateko administrazioarekiko harremanak.

Alderdi korporatiboei eta erakundeekiko harremanei dagokienez, Nafarroako Gizarte Hezitzaileen Elkargo Ofizialak lanbide elkargoaren arloan eskumena duen departamentuaren bitartez bideratuko ditu Nafarroako Foru Komunitateko Administrazioarekiko harremanak. Lanbideari berari dagozkion alderdiei buruzko gaietarako, berriz, arlo horren eskumena duen departamentuaren bitartez bideratuko da harremana.

Xedapen gehigarri bakarra. Lanbide Elkargo-en Kontseiluaren eginkizunak.

Nafarroako Gizarte Hezitzaileen Elkargo Ofizia-la, Nafarroako Foru Komunitatearen lurralde osoa hartzen duenez, orokorra da, eta, horrenbestez, bidezkoa denean, Nafarroako Lanbide Elkargo-oi buruzko apirilaren 6ko 3/1998 Foru Legeak Nafarroako Lanbide Elkargo-en Kontseiluentzat finkatzen dituen eginkizunak bere gain hartuko ditu.

Lehen xedapen iragankorra. Kudeaketa Batzordea eta Gaikuntzetarako Batzordea.

1. Kudeaketa Batzorde bat osatuko da, APES-NA-Nafarroako Gizarte Hezitzaileen Lanbide Elkarteko hamabi kidek osatua, elkargoaren behin-behineko gobernu organo gisa aritzeko, foru lege honen araubide iragankorrean ezarri bezala.

Foru lege honek indarra hartu ondoko sei hilabeteko epean, Kudeaketa Batzordeak Nafarroako Gizarte Hezitzaileen Elkargo Ofizialaren estatutuak onetsi beharko ditu, non osoko bilkuretako organoaren deialdiak egiteko modua eta elkargoaren batzar eratzaillearen funtzionamendua arautuko baitira. Batzar eratzaille horretan parte hartzeko deia foru lege honen 4. artikuluan edo hirugarren xedapen iragankorrean aipatzen den titulazioaren bat dutenei egin beharko zaie.

2. Behin-behineko estatutu-etan elkargoaren batzar eratzaillearen araubidea finkatuko da, deialdia egiteko modua eta epeak, eta bilkura egiteko prozedura ezarriz.

Deialdia ahalik eta jende gehienengana iristen dela bermatuko da. Deialdia Nafarroako Aldizkari Ofizialean eta Foru Komunitatean gehien zabaltzen diren bi egunkarietan argitaratu beharko da, hogeitau egun lehenago gutxienez.

3. Xedapen honen 1. atalean aipatutako Kudeaketa Batzordea Gaikuntzetarako Batzorde bilakatu da, Nafarroako Gizarte Hezkuntzako ikasketak ematen dituzten UHUN-Urrutiko Hezkuntzarako Unibertsitate Nazionalaren Iruñeko eta Tuterako zentroetatik ordezkari bana eta Nafarroako Gobernuko Familia, Gazteria, Kirol eta Gizarte Gaietako Departamentuko bi ordezkari gehituta. Batzorde horrek bere funtzionamendu arauak ezarriko ditu eta, bidezkoa denean, elkargoaren batzar eratzaillearen parte hartzeko asmoz elkargoan sartzea eskatzen duten profesional-oi gaikuntza emateaz arduratuko da, hori guztia deusetan galarazi gabe batzar eratzaillearen errekurtsioa jartzeko aukera batzordeak gaikuntzei buruz hartzen dituen erabakien aurka.

Bigarren xedapen iragankorra. Batzar eratzaillea egiteko deialdia eta estatutuak onesteko prozedura.

1. Batzar eratzaillea egiteko deialdia gehienez hilabeteko epean egin beharko da, hirugarren xedapen iragankorrean gaikuntzak emateko prozedura bukatzen denetik hasita, lehenengo xedapen iragankorreko 3. atalean aipatutako Gaikuntzetarako Batzordeak behar diren profesional-oi gaikuntza eman ondoren.

Batzar eratzaillea egiteko deialdia Nafarroako Aldizkari Ofizialean eta Foru Komunitatean gehien zabaltzen diren bi egunkarietan argitaratu beharko da, hogeitau egun lehenago gutxienez.

2. Batzar eratzailleak eginkizun hauek izanen ditu:

a) Elkargoaren behin betiko estatutuak onestea.

b) Elkargoko gobernu organo-oi kideak hautatzea.

3. Batzar eratzailleak onesten dituen Elkargoaren Estatutuak lanbide elkargoaren arloan eskumena duen departamentuari igorriko zaizkio, departamentuko organo eskudunak haien legezotasuna aitortu ondoren, Nafarroako Lanbide Elkargo-en eta Lanbide Elkargo-en Kontseilu-oi Erregistroan inskribatzeko eta Nafarroako Aldizkari Ofizialean argitaratzeko agindua eman dezan. Estatutu horiekin batera, batzar eratzaillearen aktaren ziurtagiria bidali beharko da.

Hirugarren xedapen iragankorra. Lanbide gaikuntza lortzeko modua.

Nafarroako Gizarte Hezitzaileen Elkargo Ofizialean sartzen ahalko dira, gizarte hezkuntzaren arloan lan eginda, ondotik aipatzen diren egoer-oi batean dauden profesionalak, behar diren frogagiriak aurkeztuz lanbide gaikuntza eskatzen baldin badute foru lege honek indarra hartzen duenetik hamabi hilabeteko epean:

1. Lizentziatura edo diplomatura mailako unibertsitate-prestakuntza izatea, 2001-2002 baino lehenago hasia, eta orobat, 2005eko urtarrilaren 1erako, gizarte hezkuntzari berez dagozkion lan eta eginkizunetan hiru urteko edo gehiagoko lanbide esperientzia izatea, jarduera nagusia edo bakarra izanda eta behar bezala frogatuta.

2. Lanbide Heziketako bigarren mailako berrazko ikasketak izatea gizarte hezkuntzaren arloan, hiru urtekoak gutxienez, 2001-2002 ikas-urtea baino lehen hasiak, eta horrez gainera, 2005eko urtarrilaren 1erako, hiru urteko lan esperientzia izatea gizarte hezkuntzari berez

dagozkion lan eta eginkizunetan, jarduera nagusia edo bakarra izanda eta behar bezala frogatuta.

3. Foru lege honek indarra hartu baino lehen, hamahiru urteko lan esperientzia izatea gizarte hezkuntzari berez dagozkion lan eta eginkizune-

tan, dedikazio osoan edo jarduera nagusia izanda eta behar bezala frogatuta.

Azken xedapen bakarra. Indarraldia.

Foru lege honek Nafarroako Aldizkari Ofizialean argitara eman eta biharamunean hartuko du indarra.

B saila:
FORU LEGE PROPOSAMENAK

Foru Lege proposamena, Nafarroako Foru Komunitatean aurtengo otsailaren 11n eta 12an gertaturiko uholdeek kaltetutakoen aldeko neurriak ezartzen dituenak.

OSOKO BILKURAK AINTZAT EZ HARTUA

Legebiltzarrak, 2009ko apirilaren 23an egindako Osoko Bilkuran, erabaki zuen aintzat ez hartzea Nafarroa Bai parlamentu-taldeak aurkeztutako Foru Lege proposamena, Nafarroako Foru Komunitatean aurtengo otsailaren 11n eta 12an gertaturiko uholdeek kaltetutakoen aldeko neurriak ezartzen dituenak.

Proposamen hori 2009ko otsailaren 27ko 14. Nafarroako Parlamentuko Aldizkari Ofizialean argitaratu zen.

Iruñean, 2009ko apirilaren 27an

Lehendakaria: Elena Torres Miranda

E saila:
JABELDURAK, MOZIOAK ETA ADIERAZPEN POLITIKOAK

Erabakia. Horren bidez, Nafarroako Gobernua premiatzen da gizarte-intereseko entitateen kontratazioa errazteko formulak aplikatu ditzan, ezgaitasunen bat duten pertsonen nahiz gizarte bazterkeriako egoeran dauden pertsonen enplegua mantentze aldera.

OSOKO BILKURAK ONETSIA

Nafarroako Parlamentuko Osoko Bilkurak, 2009ko apirilaren 23an egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da gizarte-intereseko entitateen kontratazioa errazteko formulak aplikatu ditzan, ezgaitasunen bat duten pertsonen nahiz gizarte bazterkeriako egoeran dauden pertsonen enplegua mantentze aldera."

Legebiltzarreko Erregelamenduko 113. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut.

Iruñean, 2009ko apirilaren 27an

Lehendakaria: Elena Torres Miranda

Erabakia. Horren bidez, Nafarroako Gobernua premiatzen da gizarte-intereseko entitateen kontratazioa errazteko formulak aplikatu ditzan, ezgaitasunen bat duten pertsonen nahiz gizarte bazterkeriako egoeran dauden pertsonen enplegua mantentze aldera

Nafarroako Parlamentuak Nafarroako Gobernua premiatzen du gizarte-intereseko edo irabazi asmorik gabeko entitateen –esaterako, enplegu zentro bereziak edo laneratze zentroak– kontratazioa errazteko formula guztiak ahalik eta modu zabalenean interpretatu eta aplikatu ditzan, eta kontratazioarako baldintza-errietan beharrezkoak diren lizitazio- eta baremazio-klausulak jarri ditzan, ezgaitasunen bat duten pertsonen nahiz gizarte bazterkeriako egoeran dauden pertsonen enplegua mantentze aldera.

Erabakia. Horren bidez, Nafarroako Gobernua premiatzen da politika zalu eta eraginkorra balia dezan enpresa-finantzaketako lerroak eta abalak aplikatzean, eta, hartara, horiek koordinatu eta izapidetzeko eta horiei buruz aholku emateko erreferentzia-gune bat sor dezan.

OSOKO BILKURAK ONETSIA

Nafarroako Parlamentuko Osoko Bilkurak, 2009ko apirilaren 23an egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da politika zalu eta eraginkorra balia dezan enpresa-finantzaketako lerroak eta abalak aplikatzean, eta, hartara, horiek koordinatu eta izapidetzeko eta horiei buruz aholku emateko erreferentzia-gune bat sor dezan".

Legebiltzarreko Erregelamenduko 113. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut.

Iruñean, 2009ko apirilaren 27an

Lehendakaria: Elena Torres Miranda

Erabakia. Horren bidez, Nafarroako Gobernua premiatzen da politika zalu eta eraginkorra balia dezan enpresa-finantzaketako lerroak eta abalak aplikatzean, eta, hartara, horiek koordinatu eta izapidetzeko eta horiei buruz aholku emateko erreferentzia-gune bat sor dezan

Nafarroako Parlamentuak Nafarroako Gobernua premiatzen du politika zalu eta efizientea balia dezan enpresa-finantzaketako lerroak eta abalak aplikatzean, eta, hartara, horiek koordinatu eta izapidetzeko eta horiei buruz aholku emateko erreferentzia-gune bat sor dezan gaur egungo administrazio-egituraren barrenean, eskuera dauden bitartekoak optimizatuz. Erreferentzia-gune horrek Enpresen Finantzaketarako Erreferentzia Bulego Zentrala izena izanen du, eta, erreferentzia-bulego gisa, ondoko eginkizunak beteko ditu:

- lerro eta abal horiek ahal den modurik zalue-nean aplikatzeko behar diren bide eta prozedurak jorratzen segitzea, eta beharrezkoak diren urratsak egiten segitzea herritarrei eta enpresei neurri horien erabilerari buruzko informazio guztia helarazteko, eta egoki diren mekanismoak praktikan jartzen segitzea, eskatzaileek eta interesdunek neurri horiek azkar eskuratu ahal izatea errazteko.

- Foru erkidegoko enpresen finantzaketa errazteko hartu diren neurri guztien aplikazioa bultzatzea eta arintzea.

- Neurri horien izapidetzea erraztea.

- Ukitutako departamentu guztien jarduera koordinatzea.

- Eskaera guztien aurkezpena eta izapidetzea koordinatzea.

- Interesa duten enpresei aholku ematea foru erkidegoaren menpeko neurrien ezaugarriari, norainokoari, edukiari eta izapidetzeari buruz, bai eta Estatuak ezarritako neurriari buruzko informazioa ematea ere.

- Gobernuako departamentuen, elkarren bermerako sozietateen, bankuen eta xede horietarako baimendutako hirugarrenen protokoloen berri izatea, jarduerari, aholkularitzari eta laguntzen izapidetzeari eta onespenerari dagokienez.

- Kreditu Ofizialeko Institutuaren bidez Estatuan hartutako neurriekin koordinatzeko irizpideak ezartzea.

- Nafarroako Gobernuaren jarduera orokorrean oinarriturik, informazioaren eta prozeduren esku-raketa sendotzen segitzea, Nafarroako Gobernuaren webgunearen eta zerbitzu telefoniko pertsonalizatuaren bitartez.

Erabakia. Horren bidez, Nafarroako Gobernua premiatzen da Bizikletaren Plan Zuzendariari buruzko zenbait erabaki har ditzan.

OSOKO BILKURAK ONETSIA

Nafarroako Parlamentuko Osoko Bilkurak, 2009ko apirilaren 24an egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da Bizikletaren Plan Zuzendariari buruzko zenbait erabaki har ditzan".

Legebiltzarreko Erregelamenduko 113. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut.

Iruñean, 2009ko apirilaren 27an

Lehendakaria: Elena Torres Miranda

Erabakia. Horren bidez, Nafarroako Gobernua premiatzen da Bizikletaren Plan Zuzendariari buruzko zenbait erabaki har ditzan

Nafarroako Parlamentuak Nafarroako Gobernua premiatzen du ondoko erabakiak har ditzan berehala:

Lehenena.- Bizikletaren Plan Zuzendaria egokitzeta eta plana betetzeko epeak eta egin beharreko jarduerak berrikustea.

Bigarrenena.- Egokitzapen hori bi hilabeteko epean egitea, Bizikletaren Plan Zuzendariaren idazketaren jarraipena egin zuen departamentuar-teko batzordearen bidez.

Hirugarrenena.- Plana berrikusi ondoren, onestea eta bere kudeaketa esleitzea dio dagokion organoari.

Laugarrenena.- Nafarroako Gobernua abian jartzea beharrezkoak diren zuzemenak, txirritulardibideak egiteko eta bizikletaren erabilera sustatzeko baliabide ekonomikoak aurreikusten dituzten Estatuko eta Europako programetako dirulaguntzak izapidetzeko.

Erabakia. Horren bidez, Nafarroako Gobernua premiatzen da zenbait erabaki har ditzan Landa Ingurunearen Garapen Iraunkorrari buruzko 45/2007 Legearen aplikazioa dela eta.

OSOKO BILKURAK ONETSIA

Nafarroako Parlamentuko Osoko Bilkurak, 2009ko apirilaren 24an egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da zenbait erabaki har ditzan Landa Ingurunearen Garapen Iraunkorrari buruzko 45/2007 Legearen aplikazioa dela eta".

Legebiltzarreko Erregelamenduko 113. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut.

Iruñean, 2009ko apirilaren 27an

Lehendakaria: Elena Torres Miranda

Erabakia. Horren bidez, Nafarroako Gobernua premiatzen da zenbait erabaki har ditzan Landa Ingurunearen Garapen Iraunkorrari buruzko 45/2007 Legearen aplikazioa dela eta

Nafarroako Parlamentuak Nafarroako Gobernua premiatzen du:

1.- Modu negoziatu eta parte-hartzailean erabaki dezan zein landa eremutan aplikatuko den legea.

2.- Defini dezan zer ildo orokor interesatzen zaion Foru Komunitateari izan dezaten eremuko

planek, Landa Garapen Iraunkorrari buruzko Legean ezarritako helburu ekonomiko, sozial nahiz ingurumenekoak lortzen direla bermatzeko.

3.- Berma dezan Foru Komunitateak, gutxienez ere, nazioko gobernuak autonomia erkidego honi legea aplika dezan ematen dion diru-kopuru bera jarriko duela.

4.- Nafarroako Udal eta Kontzejuen Federazioak prozesu osoan parte har dezan, eta bereziki ukitutako administrazioetatik heldu diren baliabideak inbertitzeko aukeratzen diren eskualdeetan aplikatu beharreko eskualdeko planak hitzartzera koan.

Mozioa. Horren bidez, Nafarroako Gobernua premiatzen da Nafarroako Alokairuaren Agentzia sor dezan eta horretarako lege proiektu bat aurkez dezan.

OSOKO BILKURAK BAZTER UTZIA

Nafarroa Bai parlamentu taldeak ondoko mozioa aurkeztu zuen: "Mozioa. Horren bidez, Nafarroako Gobernua premiatzen da Nafarroako Alokairuaren Agentzia sor dezan eta horretarako lege proiektu bat aurkez dezan."

Legebiltzarrak 2009ko apirilaren 23an egindako Osoko Bilkuran, erabaki zuen aurkeztutako

mozioa baztertzea. Mozio hori 2009ko otsailaren 10eko 8. Nafarroako Parlamentuko Aldizkari Ofizialean argitaratu zen.

Iruñean, 2009ko apirilaren 27an

Lehendakaria: Elena Torres Miranda

Mozioa. Horren bidez, Nafarroako Gobernua premiatzen da azterlan bat egin dezan, jakiteko zein den geriatriaren egoera Nafarroan.

OSOKO BILKURAK BAZTER UTZIA

Nafarroa Bai parlamentu taldeak ondoko mozioa aurkeztu zuen: "Mozioa. Horren bidez, Nafarroako Gobernua premiatzen da azterlan bat egin dezan, jakiteko zein den geriatriaren egoera Nafarroan."

Legebiltzarrak 2009ko apirilaren 23an egindako Osoko Bilkuran, erabaki zuen aurkeztutako

mozioa baztertzea. Mozio hori 2009ko otsailaren 10eko 8. Nafarroako Parlamentuko Aldizkari Ofizialean argitaratu zen.

Iruñean, 2009ko apirilaren 27an

Lehendakaria: Elena Torres Miranda

Mozioa. Horren bidez, Nafarroako Gobernua premiatzen da Itoiz Fundazioak sustatutako, finantzatutako edo kudeatutako azpiegiturak eta zerbitzuak eskuratze aldera Aezkoako, Erroko, Aurizko eta Luzaideko biztanleek eginiko eskaera aintzat har dezan.

OSOKO BILKURAK BAZTER UTZIA

Nafarroa Bai parlamentu taldeak ondoko mozioa aurkeztu zuen: "Mozioa. Horren bidez, Nafarroako Gobernua premiatzen da Itoiz Fundazioak sustatutako, finantzatutako edo kudeatutako azpiegiturak eta zerbitzuak eskuratze aldera Aezkoako, Erroko, Aurizko eta Luzaideko biztanleek eginiko eskaera aintzat har dezan."

Legebiltzarrak 2009ko apirilaren 24an egindako Osoko Bilkuran, erabaki zuen aurkeztutako mozioa baztertea. Mozio hori 2009ko otsailaren 17ko 9. Nafarroako Parlamentuko Aldizkari Ofizialean argitaratu zen.

Iruñean, 2009ko apirilaren 27an

Lehendakaria: Elena Torres Miranda

